

史部·雜史類

吾學編·明季水西記略·泰

昌朝記事·鄭華亭考選處分

始末·中州戰略·朝野公言

北京圖書館古籍珍本叢刊

12

書目文獻出版社

目錄

吾學編六十九卷		一
明季水西記略一卷		七六三
泰昌朝記事一卷		七八一
鄭華亭考選處分始末一卷		七八九
中州戰略一卷		八一一
朝野公言一卷		八六一

序

古之作者必雄傑不羈之才曹中本有全書而弗得試乃著述以自見立明司馬皆才無文武人像也彼其所蘊如日月有明雲寧終掩江河有性士終湮不於此則呈於彼不霖雨乎當時即山手乎來世天之所賦非偶然豈但泯焉耳已先君幼學即志四方無不讀所讀必可裨用少壯入仕益諳我典常質彼文憲耳目見聞咸類紀之博古則約其精微今則核其備人文淵藪國是著龜

麥公賈叩之驚其多聞何便便有條

也稿未竟嘉靖丙辰太宰古冲李公爲趙許奏論死翁震懼曰古以言殺身况成書乎悉畀火孤固請秘之弗得遂竊小櫝歲之述古獨餘古言蓋千百之一今書存失等逮歲壬戌孤請告歸始以殘帙自翁成志喟然嘆曰嗟夫此稿尚有存乎予行歲勲業盡於此而所存僅此乎遂略以今書倫次補輯弟準天資絕人先君口相証授準多代筆又三年始付梓梓方半翁遽長逝嗚呼痛何如哉胡天不使此書盡試諸用又不使翁一覽全刻而徒留此空言欲以何明也翁蘊全才而不大任亦

云爲兆震厲際孤憂國衛身艱險歷備勁節雖完精力竭矣玄珠寂寞白壁幽淪光在山川天眞寧遏是廼旁觀宇內違駕初服惜繁華之易零念弘圖於不朽盤桓憤激委約飛文竊職掌於史官謹權衡於獨斷危詞隱義遠略壯猷觀是書可知是人契是心殆有周駕八荒彌綸千古之致豈徒一世士區區文藝名也噫邇此生民以來凡彼玉質金相英髦秀達道亞生知特不我與湮滅無聞安可勝悼夫太上以德鮮矣流形大塊而一無可傳非夫也可傳在我而其存與熄則命也黃梁得喪

青史是非聖人復起賢愚有定豈其幸與不幸果可誰欺與故曰其位可卑其身可死其言立遂與天地相終始貧富貴賤壽夭同之然蔡柳奇葩名常喪實機雲高譽知不逮言亦或文以人傳人由文顯無茲無愧兄爾才難若先君所不能全殆惟壽耳使無是書果將同凋草木矣乎抑嘗聞作易之有憂患王通以爲畏天憫人思及時而動深知易矣動而不時則冒耻於行露比而入於蹇時而弗動則泥類於匏瓜節而至於屯潜躍有具用舍惟時庶亡悔吝而周公孔子之教此其最要先君

率爾成書豈希贊易之心乎終焉憂患未釋而腹
書以沒丘園信乎命實爲之雖聖哲無如之何宜
昔人之染翰慷慨屢伸而不能已者也去我英雄
遺編故屋承顏寤寐猶恍傳心音容杳冥誰能不
隱雖違伯樂會有子期撫卷徘徊風雲蕭瑟向之
七畧成於歆先君精忠邃學無愧於向惜子非劉
歆殘缺莫補條具如左參詳潤色尚俟後之君子
云

維皇開泰新制正經親賢和衆萬國以寧聖子神
孫與治同興昭哉祖武萬世允繩記大政 第一

江左肇基非國上游龍飛北固鶴返丹丘漢文天
授少帝何尤慨彼忝離爰諱乾侯記遜國 第二
堯稱既睦周作方來富之不費貴之無猜勢以時
異恩以禮裁均奠磐石藩翰九域表同姓諸王

第三
永清九有實賴虎臣報功崇德分券圖麟德薄位
尊或覆厥身韓彭絳灌全毀由人表異姓王侯

第四
三公論道致主調元秩有等殺職共斯言爰立無
方考慎台垣一人進退治忽攸源表閣臣 第五

巍乎冢宰百官之表責在進賢決彼群小告自乃
邑休休皎皎吏治澄清兆民斯擾表典詮 第六
無競維人萬方之望克展其猷知恤在上猗我多
賢爲周孚倡爰條臯董以俟魏相記名臣 第七
成仁取義人臣之信寧爲桀犬不辜堯舜心協三
仁黨凌八俊立儒廉頑名教丕振記遜國臣 第
八

星象考驗代有程章玄機杳默固矣梓萇無災可
懼有災亦昌誠身省躬實應之常述天文 第九
天子無外莫不尊親廣土非寶寶在裕民聚人以
財守財以人得彼猛士慎固咸賓述地理 第十

舜嚴降格說戒弗欽神無私享明德惟馨敦此仁
孝率義推心必躬必敬昭格咸臨述三禮 第十
一

官代天工惟民之極睿制曲防綱維以則擇人乃
昌擇官斯忒敬事君子慎思厥職述百官 第十
二

要荒服夏番鎮承周炎風朔雪孰匪受球摠攬乾
綱余宋長猷王者不治亦曰懷柔考四夷 第十
三

北門勁寇郊畿接壤人由我益地由我廣茲備將來盡懲既往鎖鑰得司不兵而攘考北虜 第十

四

實錄果可傳信乎前賢論喻詳矣野史散雜無統又未足盡馮也故必凌雲御日之才博洽淹貫分明經緯恍兮身處當時目見往事非若班氏以後轉相蹈襲乃能會為全史昭不朽之烈垂不刊之典先君嘗志於此惜乎始懲李禍終促遐齡偉作弗全英像留恨今梓惟大政記放朱子綱目及本紀然綱且未敢備况目乎非是

序

五

無以首卷通達者當意會通國特述故事以續編年王侯放十表翁序詳之閭臣典銓感時作也為臣不易況心腹股肱哉記名臣放列傳也論旨深遠遷史下無及者天下何時無才哉盡其用有幾然亦自不可泯觀遜國諸臣尤見盛世人性之善超越千古三禮天官皆諷諫也禮書所載禮之為用大矣寧獨祀事舉時要耳天官亦然是以全樂公之疏也述百官以明職掌今有官君子皆能不曠此乎庶政和而萬國寧矣地里夷官北虜先君初官職方最所究心非

昔志興地比也歌六月詩讀李翱文始知公忠愛無窮雖然有封狼居胥意是凡十有四篇其事皆有司存翁非立本朝贊國均而陳此經世之書如出位之誚何雖然以此罪翁亦或以此知翁百世之下應有心契於形迹之外而諒此勤勤之衷者固非翁及諸孤所敢豫計也此即所存今書之半翁各自為小序其女后樂律儀制兵略茶馬鹽糧運法水利藝文隱逸酷伎方技等傳皆廢丙辰翁且謂應有紀之勿復更補然上下二百年間舊章成憲大要畢具忠臣持

序

六

以事君志士懷以籌務咸此依循免面墻矣嗚呼若斯之人而天奪之速豈獨孤之失所怙哉外今言徵吾等錄各自為集不復附此

不肖孤鄭履淳泣血稽顙謹識

鄭端簡公吾學編總目

大政記十卷

遜國記一卷

同姓諸王表二卷傳三卷 附異姓三王孔氏世家

異姓諸侯表一卷傳二卷

直文淵閣諸臣表一卷

兩京典詮表一卷

名臣記三十卷

遜國臣記八卷

天文述一卷

地理述二卷

三禮述二卷

百官述二卷

四夷考二卷

北虜考一卷

共六十九卷

先君非功名士也富貴云乎哉有嘉言善行而不得播聞人子之罪也况勤著作以經世務裨

聖化者而翁大漸又惓惓顧托言猶在耳忍不終其志廣其傳翁方見梓之半而孤忽罹大戚匍匐

顧闕

聖恩優渥褒恤殊章孤籍前休復蒙錄廢榮哀既備功賞世延實賴

天上臯夔情見死生誼公衡鑒

恩雖倖致望慙羣心感荷徒殷不知所為報也

隆慶紀元五月甲戌抵舍仍侍几筵曠違條已更

歲依依當時瞻戀而音容杳然一檢遺編惡緒紛

雜嗚呼翁何如人也乃遽至此哉翁身可死而有

不可朽者惟此書耳予兄謂翁之書未盡其學翁

之用未盡其書旨深遠矣翁自丙辰每得一稿即

呼兄弟示之又必曰準校梓勿失也孤故獨藏所

刻吾學編六十九卷徵吾錄二卷文集年譜未竟

其板四千有奇布帛之文精神之聚衡門泌水之

經綸固非特湘臣洛士之詞賦已也凡翁子孫未

宜世守翁嘗命既梓但刷千冊即毀板或畀書肆

予終身清介遺子孫安毋以書勞後人嗟乎沒身

猶計燕翼而為翁子者僅此遺書弗能守耶

達尊親友諒此他日借板不能奉命幸勿我罪翁

著述之富冠當時可梓豈獨止此予兄諸序詳之

其今言古言及舉子諸書數十百卷已有傳者勿識也

不肖孤鄭履準泣血稽顙謹書

子學編

卷四

皇明大政記序

大政記者記政之大者也政必端大本審大機建大法係此小事必書否雖大勿錄也恭惟我朝文謨武烈丕顯丕承

聖子神孫善繼善述巍巍二帝之治郁郁三代之文偉彼典常允宜師守顧洪猷浩蕩玉籍淵珍莫罄名言孰諳成憲予翁淹貫通達推絕一時雖職非史官而光昭

先皇令德以垂多士儀刑與人為善之心不敢諱况切雲雷霖雨之志而徒老投閒今衰已甚爰放編年陳茲大典庶使後之佐孝宣者有所依繩而頌慶曆者咸此考據且知翁精誠之運周旋二祖

列宗左右也

嘉靖丙寅三月朔

賜進士第觀吏部政臣鄭履淳拜手稽首謹識

皇明大政記第一卷

臣海鹽鄭曉

臣海鹽鄭曉

戊大明太祖高皇帝洪武元年春正月乙亥即皇帝位○追尊四世考妣爲皇帝皇后立妃馬氏爲皇后世子標皇太子○戊寅居新宮○征南大將軍湯和克延平執陳友定○宣國公李善長信國公徐達爲左右丞相章溢劉基御史中丞○省府請皇太子爲中書令不許令廷臣勲德老成者兼東官官○建南北郊太社稷○是月天下官來朝○二月湯和提督海運○征南將軍廖永忠副將軍朱亮祖平福建進取廣東○以太牢祀先師孔子于國學○定宗廟時享禮○禁胡服胡語胡姓○定賦法役法○三月彗星見昴○征虜大將軍徐達取汴梁河南○夏四月將軍鄧愈取南陽諸郡○永忠師至東莞元廣東守臣何真降○汪廣洋陶安爲山東江西叅政○改太史院爲司天監○五月庚寅帝至汴梁○徵天下賢才爲守令○六月達朝行在令率諸將取元都○秋七月永忠取廣西○賑恤中原○帝還京右副將軍馮勝守汴梁○閏七月達會兵于臨清進克通州乙丑元

主走上都○八月詔以金陵汴梁爲南北京○庚午達入大都元亡○己卯大赦○帝幸北京○設六部官膳教楊士義錢用壬陳寬周禎單安仁爲尚書○御史中丞劉基致仕○放元官人○九月江西叅政陶安卒○遣儒臣詹同等訪求賢哲○冬十月帝還南京○征南師還○置京畿漕運司襲魯薛祥爲漕運使○十一月孔希學襲封衍聖公○遣儒臣魏觀等訪求賢材○十二月建克太原平陽○洪武二年春正月克山東山西北平河南○田租○詔諭四夷君長○倭寇山東並海郡縣○二月耕籍田○修元史朱漁爲翰林學士王律待制○脩治皇陵○達克河中進取陝西○三月達兵至鳳翔李思齊奔臨洮○夏四月思齊降○倭寇南畿並海郡縣○五月甲午朔日食○達出蕭關下涼涇延鄜張良臣以慶陽降○御史中丞蕭太子贊善大夫譚卒○六月常遇春克大寧開平○秋七月征虜副將軍平章軍國重事太子少保鄂國公常遇春卒李文忠領其兵進攻大同克之○八月達克慶陽斬良臣陝西悉平○元史

成○九月以臨濠爲中都○建功臣廟○冬十月郡縣立學○遣使貽書元主○十一月乙巳日南至祀圜丘奉仁祖配○十二月王保保襲蘭鞏守將于光死之○是年定內侍諸司官○設王相府○封陳日煒爲安南國王王顓高麗國王

庚洪武二年春正月征虜大將軍徐達左右副將軍李文忠馮勝左右副將軍鄧愈湯和分道率師討王保保○二月大同守將金朝興取東勝○追封郭子興滁陽王○文忠取興和○二月免南畿山東河南北平浙東田租達兵至定西保保退

大業

大業

大業

大業

大業

屯車道峴○夏四月封建諸王○王保保逆戰我兵敗績○復戰於定西保保敗走和林○元君妥懽睦爾殂于應昌其子愛猷識理達臘嗣立○五月開科取士○文忠克應昌獲買的里八剌愛猷識理達臘北走○達取漢沔降興元○大早上雪大雨○蜀寇興元都督孫興祖戰歿○六月倭寇登萊轉掠浙閩並海諸郡萊州府同知趙秋使日本○定太學生資格○秋七月陶凱爲禮部尚書○劉基爲弘文館學士○楊憲汪廣洋爲中書左右丞尋殺憲○八月募民輸粟中鹽○監察御史

張敬之使諭渤泥國○九月改司天監爲欽天監○冬十月征南將軍周德興討慈利蠻○貽書元嗣君受猷識理達臘○十一月文忠班師還京○謚故元君爲順帝封買的里八剌爲崇禮侯○大封開國功臣進封善長達韓魏國公領太師太傅封李文忠曹國公鄧愈衛國公馮勝宋國公湯和中山侯汪廣洋忠勤伯劉基誠意伯餘封贈官賞有差○十二月大明志成○立鹽法

辛洪武四年春正月太師韓國公左丞相李善長致仕汪廣洋爲右丞相胡惟庸右丞○誠意伯劉

大業

大業

基致仕○征西將軍中山侯湯和左右副將軍江夏侯周德興德慶侯廖永忠征虜前將軍穎川侯傅友德左副將軍濟寧侯顧時帥師分道伐蜀○免田租○二月帝如中都尋還京○三月賜吳伯宗等進士及第出身有差○改築圜丘方澤○閏三月和次夔州○廢靖江王守謙爲庶人○夏四月友德克階州○和次歸州友德克文州○徵山林隱士○五月免浙江江西田租○六月友德拔漢州永忠克夔州進至重慶明昇降○虜納哈出侵遼東○倭寇膠州○秋七月馬雲葉旺爲定遼

指揮使鎮守遼東○友德克成都川蜀悉平○詹同爲吏部尚書無翰林院學士承旨○今奏災異○八月封明昇歸義侯○九月庚戌朔日食○禁征海外諸夷○冬十月征西諸將班師還京○十一月江西參政陶安卒○十二月開茶市○是年徙歸德侯陳理歸義侯明昇於高麗○日本良德遣人入貢

壬洪武五年春正月翰林待制王禕詔諭雲南○征南將軍衛國公愈副將軍江夏侯德興江陰侯良帥師討廣西蠻平之○征虜大將軍魏國公達

征西將軍宋國公勝征虜前將軍曹國公文忠帥師分道伐虜勝取甘肅文忠擒應昌宣寧侯曹良臣戰沒○二月都督藍玉擊敗虜於野馬川○三月王兵擊敗王保保於土刺河○夏四月鄧愈兵至澧平散毛諸蠻○五月達兵逾嶺遇虜戰敗績○倭寇浙東西並海郡縣○六月賑山東饑民○勝兵敗虜於瓜沙文忠兵敗虜於阿魯渾河○免水旱蝗郡縣田租○秋七月湯和兵至斷頭山遇虜戰敗績○定宦官禁令○八月倭寇福建○遣儒臣詹同等訪求賢哲○革寧夏府○九月德興

平鳳泗諸蠻○安南陳叔明弒其主日煜而自立○冬十月北征諸將班師還京○十一月征南諸將班師還京○虜納哈出寇遼東○十二月朱燕爲太子贊善大夫○今省府臺置銅鑼簿錄時政○縱內府禽獸○遣使貽書元嗣君○是年定掖庭局司女官

癸洪武六年春正月謫汪廣洋爲廣東參政○二月罷科舉舉賢良○令有司上山川險易圖○三月征虜大將軍達左右副將軍文忠勝左右副將軍愈和統兵分道徭虜○都督於顯總兵出海外

防倭○夏四贈謚開國功臣○詔求賢才○五月虜寇武朔達遣兵擊走之○六月免河北旱蝗田租○秋七月劉惟謙爲刑部尚書○胡惟庸爲右丞相陳寧御史大夫詹同兼翰林學士承旨朱燕兼翰林侍讀學士○達遣列侯諸將分統步騎兵擒討殘胡○倭寇登萊○八月詔祀三皇○建歷代帝王廟○九月設六科給事中○冬十月大明律成○封西番朵甘烏思藏諸酋爲王師官長○十一月達兵破虜於大同○閏十一月定糾劾內官法○十二月沒開封漕河○雲南人殺我詔諭

使王偉

甲洪武七年春正月文忠敗虜於白登○二月丁酉朔日食○丁未祀先師○三月詹同解部事呂鳳爲吏部尚書○轉漕粟于陝西○夏四月都督藍玉敗虜於興和○五月大雪○六月倭寇膠海○秋七月文忠破虜於大石崖○八月文忠敗虜於豐州○靖海侯吳禎總兵出海捕倭○九月遣崇禮侯買的里八剌北還○復設市舶司○冬十月已未皇長孫璉莫生○徙江南民實中都○十一月封卜煙精木兒爲安定王○十二月鑿石灰

本卷之

本卷之

本卷之

本卷之

本卷之

本卷之

本卷之

寇遼東守將馬雲龍擊敗之以爲都督僉事仍守遼東○是年設都指揮使司○召致仕禮部尚書陶凱爲國子祭酒
丙洪武九年春正月定宗王公主歲祿○二月和友德屯延安○三月免南畿山西陝西河南福建江西北平湖廣田租○夏四月庚戌雨○五月雨○六月詔改行中書省爲承宣布政使司○宋濂爲翰林學士承旨○秋七月癸丑朔日食蘇松嘉湖大水免其田租○八月吳印爲山東左布政使○九月更定王府官制○閏九月七耀系度詔求直言○冬十月更作太廟○定太廟脩事功臣○十一月吐蕃寇西塞○十二月賑江南湖北○置寧夏諸衛
丁洪武十年春正月學士承旨宋濂致仕○二月白虹貫日○三月○夏四月征西將軍鄧愈副將軍沐英率師討吐蕃破之○五月韓國公善長曹國公文忠總中書省都督府御史臺同議軍國重事○六月政事啓皇太子處分奏聞○秋七月監察御史巡按州縣○設通政司曾秉正爲通政使○八月庚戌改建園丘于南郊○九月江東浙西

大水免其田租○冬十月封沐英西平侯○併省州縣○十一月巳卯皇孫允炆生○丁亥合祀天地于奉天殿○征西將軍參軍國事衛國公鄧愈卒○都督濮真征嚴被執不屈死之○十二月乙巳朔日食○松番蠻入寇平羌將軍御史大夫丁玉討平之○真人張正常卒子宇初嗣○是年汪廣洋復爲右丞相○復守謙靖江王徙雲南尋安置鳳陽

戊午洪武十一年春正月改封吳王爲周王孫杭州

護衛○進封湯和信國公○二月祀太社太稷奉

仁祖配○三月祭泰廟白中書省○夏四月朱

夏炎爲禮部尚書○元嗣君愛猷失理達臘殂子

脫古思帖木兒立○五月選武臣子讀書國子監

○六月遣使祭故元嗣君○秋七月○八月免南

畿河南陝西廣東湖廣田租○蘇松楊台海鹽○

九月有星孛於天弁○贈劉繼祖義惠侯

冬十月甲子大祀殿成○十一月吐蕃入寇征西

將軍英討平之○十二月乙巳朔日食○是年皇

太子妃常氏卒

未巳洪武十二年春正月巳卯合祀天地于南郊○

二月曹國公文忠督理隴西西寧軍務○信國公和率列侯諸將練兵臨清○三月樂鳳韶爲國子祭酒尋致仕○夏四月免北平田租○五月○閏五月○六月都督馬雲征大寧○秋七月曹國公文忠領大都督府事○平羌將軍丁玉討平蜀寇○八月安置日本使僧於陝西○九月西平侯英大破西番班師○冬十月吳沅爲翰林待制○十一月封藍玉永昌侯○十二月安置右丞相汪廣洋於海南暴卒○訪求遺篋人

庚申洪武十三年春正月授左丞相胡惟庸御史大

夫陳寧中丞徐節罷中書省更定六部官秩改大

都督府爲中左右前後五軍都督府○僉斯爲吏

部尚書尋改禮部劉崧爲署吏部尚書○二月調

舉聰明正直孝弟力田賢良方正文學術數之士

○太師韓國公李善長罷○三月壬寅成祖之國

北平○桂彥良葛誠爲晉撫府長史○夏四月都

督張赫朱壽率舟師海運○五月甲午震謹身殿

大赦免天下田租○御史大夫安然罷韓國公李

善長理御史臺事○罷御史臺及提刑按察司○

署吏部尚書劉崧致仕阮駿爲吏部尚書○六月

震奉天門○置諫院官唐鐸為諫議大夫○秋七月復京官家○八月安置日本使僧於川陝○九月置四輔官以龔敷杜敷趙民望吳源為春夏官○冬十月詔求真才○十一月○十二月列侯諸將屯田北平練兵遼東○安置翰林學士承旨朱濂於茂州○是年倭屢寇海上郡縣
醉洪武十四年春正月虜乃兒不花入寇征虜大將軍達左右副將軍和友德帥師討之○詔徵○編賦役黃冊○二月李叔正為○部尚書○三月大赦○復提刑按察司○夏四月遷督諸將兵
出塞至北黃河擊虜破之遂班師○五月故翰林學士承旨宋濂卒於菱州○六月海鹽捍海塘成○秋七月復大理寺○日本酋良懷遣僧貢馬安置川陝番寺○八月河決原武○征南將軍汪瑄疾周德興副將軍安慶侯仇成帥師討四川蠻平之○九月征南將軍賴國公友德左右副將軍永昌侯玉西平侯英帥師取雲南○冬十月壬子朔日食○定考覈殿最法○十一月南雄侯趙庸總兵討平閩廣群盜延安侯唐勝宗總兵討浙東山寇平之○倭寇廣東南雄侯庸擊破之○十二月

征南兵至曲靖取臨安進克雲南○令翰林院平駁諸司奏啓○是年召致仕刑吏部尚書李敬劉崧為國子祭酒司業
洪武十五年春正月汝南侯梅思祖掌雲南布政司事張統為左叅政○二月詔諭雲南諸夷○閏二月彗星見○征南兵克大理鶴慶麗江降車緬諸夷○三月南雄侯庸籍蛋戶為水軍○夏四月詔監學通祀孔子○免南畿浙江江西河南山東田租○宋訥為翰林學士○日本遣人朝貢○五月皇長孫雄英卒○太學成帝幸學謁先師○遣使求經明行修之士○六月○秋七月開濟為試刑部尚書○八月丙戌皇后馬氏崩○詔設科取士○九月雲南諸夷叛征南兵討平之○冬十月廣東盜起南雄侯庸討平之○設殿閣大學士邵質吳伯宗宋訥吳沉為華蓋武英殿文淵東閣大學士○徵耆儒鮑詢余銓張長年為文華殿大學士辭不拜○十一月○十二月孝陵成封都督李新崇山侯○是年設都察院詹徽林駟為監察都御史
洪武十六年春正月宋訥為國子祭酒曹國公

文忠領國子監事○二月○三月征南諸將班師
還京留英鎮守雲南○復鳳淮縣賦視豐沛○夏
四月倭寇浙東○五月令都司上衛所城池水陸
地理圖○六月○秋七月遣御史錄囚於諸省○
八月壬申朔日食○九月征南將軍申國公鄧鎮
左右副將軍臨江侯陳鏞齊寧侯顧敬率兵討龍
泉山寇平之○冬十月○十一月定祀歷代名臣
○十二月初今儒學歲貢生員
甲子洪武十七年春正月魏國公達鎮守北平信國
公湯和巡視海道築山東江南北浙東西海上諸
城○二月更定都察院官詹徽為左都御史○定
吏員資格○三月大赦○令科舉薦舉並行○同
知軍國事大都督府左都督兼領國子監事曹國
公李文忠卒○夏四月進封傅友德穎國公○更
定內侍監局司庫門官品職○五月鄒俊為大理
卿○六月令朝覲官上人民土地圖○秋七月
始人獻天書伏誅○八月吏部尚書俞熾定考績
法○九月處士陳遇卒○冬十月冊李氏為淑妃
攝中宮事○閏十月大明清類天文分野書成○
十一月○十二月○是年修祖陵

乙丑洪武十八年春正月劉三吾為翰林學士○朱
善為文淵閣大學士○二月初昏五星並見求直
言○錄軍國重事太傅右丞相魏國公徐達卒○
三月初選進士為翰林院承勅監六科庶吉士○
夏四月思州苗叛征虜將軍和副將軍德興帥師
從楚王討平之○五月○六月○秋七月五開蠻
叛和遣兵討平之○八月遣公侯伯還鄉里○九
月太白經天○文淵閣大學士朱善卒○築漳河
隄○冬十月頒大誥○彗星見○十一月作觀星
臺○十二月舉孝廉
丙寅洪武十九年春正月穎國公友德長興侯炳文
帥師討雲貴諸蠻平之○二月納哈出營金山數
寇東塞○三月白虹貫日○夏四月河南大水贖
民粥子○五月安置日本使僧於雲南○六月詔
有司養老尊賢報功賑貧恤孤薦士○秋七月三
辰星見○八月皇太子修祖陵○九月賑旱經郡
縣○冬十月封何真東莞伯○十一月○十二月
癸未朔日食
丁卯洪武二十年春正月征虜大將軍宋國公馮勝
左右副將軍穎國公傅友德永昌侯藍玉左右參

將南雄侯趙庸定遠侯王弼東川侯胡海武定侯郭英叅贊軍事都督商嵩帥師討納哈出○焚錦衣衛刑具○二月魚鱗冊成○置兩浙防倭衛所○三月勝師出松亭關城大寧○夏四月江夏侯周德興福建築城練兵防倭○五月納哈出棄金山營北走○六月臨江侯陳鏞陷虜死○勝兵逾金山納哈出降遂班師○太白經天○閏六月虜兵還金山殿帥濮英陷虜死○秋七月定親王歲祿五萬石○八月戒諭北征諸將召勝還玉行總兵事○九月封納哈出海西侯○安置鄭國公常茂於龍州○置北平行都指揮使司於大寧○征虜大將軍永昌侯藍玉左右副將軍延安侯唐勝宗武定侯郭英左右叅將都督耿忠孫恪擒計殘胡○冬十月罷勝歸鳳陽○十一月靖寧侯葉昇普定侯陳桓討東川諸蠻平之 十二月封張赫航海侯朱壽舳艫侯
成洪武二十一年春正月百夷思倫發叛都督鑒正討平之二月定歷代君臣從祀帝王廟○三月遣公侯諸將從大將軍玉出大寧征虜○夏四月王師至捕魚兒海脫古思帖木兒可汗敗走封王

涼國公○五月甲戌朔日食○東川蠻叛征南將軍穎國公友德左右副將軍西平侯英普定侯桓帥師討平之○六月○秋七月贈故金山侯濮英為樂浪公尋封其子璵西涼侯○八月北征諸將班師還京○九月越州土酋阿資叛友德討平之○友德遣將分討東川叛蠻平之○冬十月解縉為監察御史○徐允恭嗣封魏國公封常昇開國公○十一月○十二月丁卯三辰晝見○安南黎季犛弑其主璋
已洪武二十二年春正月友德兵至越州阿資遁還越州○二月友德兵至越州阿資降○三月友德率二十四將軍分屯湖川防西南諸夷○夏四月徙江南民田淮泗○置詹事院五月置太學福餘彛顏三衛於兀良哈○六月周定王橐國之鳳陽遷雲南尋遣還國○秋七月征南諸將班師還京○八月更定大明律○禁武臣預民事○九月丙寅朔日食○冬十月徙民墾闢田○十一月虜也速迭兒弑其主脫古思帖木兒而立坤帖木兒○思倫發入貢謝罪百夷遂平○十二月倭掠寧海○是年詹徽為吏部尚書蕪左都御史○改大

宗院爲宗人府秦王爲宗人令晉王成祖左右宗
正周王楚王左右宗人○黎季犛弑其主陳日焜
○高麗人幽其主禍又廢其主昌

庚洪武二十三年春正月焚惑入南斗○市馬漠
址○晉王成祖率諸將分道伐虜○貴州苗叛延
安侯勝宗討平之○贛賊湖蠻叛總兵東川侯海
左右副總兵普定侯桓靖寧侯昇討平之○二月

國子祭酒宋訥卒○涼國公王討西番遣將瞿能
徐凱出大渡河擊敗之○三月成祖率征虜前將
軍額圖公友德左右副將軍南雄侯庸懷遠侯興

出古北口伐虜○夏四月築京城外垣○閏四月

玉平諸番○五月肅清好黨○太師韓國公李善
長暴卒○六月選用耆民有才德知典故者○秋

七月江南北海溢○河決河南○八月召涼國公

王還京○九月庚寅朔日食○夏長文爲僉都御

史冬十月○十一月○十二月購遺書○是年潭

王標暴卒

辛洪武二十四年春正月築浙東海隄○二月改

封豫王爲代王漢王爲肅王衛王爲遼王○三月

戊子朔日食○賜許觀等進士及第出身有差○

友德兵出東塞討虜大獲而還○夏四月鑄渾天

儀○彗星出紫微垣○五月漢衛谷慶寧岷六王

練兵臨清○六月河決原武入淮○秋七月徙富

民實京師○八月乙丑皇太子巡撫陝西○九月

都督宋晟劉貞帥師征哈密大獲而還○倭寇廣

東○冬十月北平大水免其田租○馮堅爲僉都

御史○十一月宋國公勝涼國公王琦討而番不

許○十二月皇太子還獻相宅畝○阿資復叛平

羗將軍都督何福討之阿資降

壬洪武二十五年春正月河決陽武○福討平雲

南諸蠻○今死囚輸粟塞下○二月高麗李成桂

幽其主瑤而自立○列侯諸將練兵西北諸塞○

三月舳艫侯朱壽率舟師海運○夏四月丙子皇

太子卒○涼國公王征罕東○都督總兵嚴緯討

建昌叛酋月魯帖木兒○五月封俞通淵爲越雋

侯○王兵破罕東移兵討建昌蠻○六月征西將

軍西平侯沐英卒○秋七月琉球中山王察度遣

子弟學於國子監○八月葬懿文皇太子○九月

庚寅立皇孫允炆爲皇太孫○冬十月沐春嗣西

平侯鎮守雲南○更高麗爲朝鮮國○十一月玉